

پُرولیا ہتھیار کانڈ

سرکاری دہشتگردی دی مثال

اٹھاراں دسمبر ۱۹۹۱ نوں لاتوین ایارلائین دا اک جہاز کراچی توں چلیا تے بمبئی رُکیا۔ بمبئی توں ایہ جہاز بنارس تیل پُوآؤن لئی رُکیا۔ اوسدے بعد اوسنے پچھمی بنگال دے قصبے پُرولیا وچ وڈی ماترا وچ ہتھیار سٹے اتے تھائیلینڈ چلا گیا۔ انہاں ہتھیاراں وچ آٹومیٹک رائفلاں، گرنیڈ لائچر، اینٹی ٹینک مزائیل اتے ہور کئی تران دے مارو ہتھیار سی۔ تھائیلینڈ توں ایہ جہاز واپس کراچی جا رہیا سی کہ بنگال دی کھاری وچ تُوغان آیا ہون کر کے اسنوں مدراس وچ مجبوری وچ اُترنا پیا۔

جہاز وچ جہاز دے عملے دے علاوہ کم ڈیوی اتے پیٹر بلیچ نال دے بندے وی سن۔ کم ڈیوی کسے طریقے نال جہاز توں غائب ہو گیا پر پیٹر بلیچ پھڑیا گیا اتے اوسنوں سزا ہو گئی سی۔ پر مگروں اوسنوں ہندوستان دے سدر نے برتانوی سرکار دی منگ تے معافی دے کے چھڈ دتا سی۔

گجھ دن پہلاں کم ڈیوی اتے پیٹر بلیچ، دوہاں نے، ہندوستان دے اک ٹیقوی چینل نال گلبات وچ خلاصہ کیتا ہے کہ ایہ سارا کم برٹین دی خفیہ ایجنسی ایم آئی پھائیو، امریکہ دیاں جسوسی اجنسیاں، پاکستان دی سوہیا ایجنسی آئی ایس آئی اتے ہندوستان دی اجنسی راء دی ملی جلی سکیم ادھین ہویا سی۔

پچھمی بنگال وچ سی پی آئی (ایم) دی سرکار نوں ختم کرن لئی پُرولیا وچ ایہ ہتھیار گجھ گینگاں نوں دین لئی سٹے گئے سی۔

اس منسوے مطابق ایہ دہشتگرداں دے ٹولے انہاں ہتھیاراں نال
کتلوگارت کرنکے تے کیندری سرکار اس نوں اک بہانہ ورت کے
اوتھے قانون آتے امن قائم کرن لئی ایمرجینسی دا اعلان کر کے صدر
دا رول قائم کر دیویگی آتے سی پی آئی (ایم) دی سرکار دی
چھٹی ہو جاویگی۔ اس سارے بندوبست دا ایہ ٹیچا سی۔

کم ڈیوی نے خلاصہ کیتا ہے کہ اوسنوں جہاز توں بمبئی آتے
بمبئی توں دلی آتے اوتھوں نیپال بھیجن دا سارا انتظام اک
بی جے پی دے پارلیمنٹ دے میمبر پیو یادو نے کیتا سی۔ اوسنے
وی پیٹر بلیچ وانگ کیتا ہے کہ برٹین، امریکہ، پاکستان آتے
ہندوستان دیاں اجنسیاں دا ایہ سانجھا پروجیکٹ سی۔ ہندوستان دی
ہوائی فوج نے رڈار بند کر دتے سی تاں کہ اس جہاز دا
کوئی پتہ نہ لگ سکے۔ کراچی توں ہتھیاراں نال بھریا ہویا جہاز
پاکستان، برٹین آتے امریکہ دیاں اجنسیاں دی ملیہگت نال ہی
اڈیا سی۔

ہندوستان وچ اس خبر نے کافی ہلہ گلا کرا دتا ہے۔ سی
پی آئی (ایم) دے جنرل سکتر پرکاش کرات نے اس سارے معاملے
دی عدالتی جانچ کرن دی منگ کیتی ہے۔ ہندوستان دی سرکار نے
کیتا ہے کہ اس بارے کجھ وی کرن دی لوڑ نہیں ہے۔ اوسدا کہنا
ہے کہ دو ودیشی بندیاں دے بیاناں نوں سنجیدگی نال نہیں لیا
جا سکدا۔ ایہ گل کدوں دی رہادفا ہو چکی ہے۔ اوہ ایہ وی
کہندی ہے کہ کانگرس دی سرکار دے بعد کیندر وچ بیجپی دی وی
سرکار رہی ہے آتے اوسنے وی اس بارے چھان بین کرن دی کوئی
لوڑ نہیں سمجھی سی اس لئی ہن دے ہوئے مُردے اُکھاڑن دی
کوئی لوڑ نہیں۔

کیندری سرکار آتے کانگرس نوں یقین ہے کہ بی جے پی وی اس کیس
 نوں کھولہنا نہیں چاہندی کیونکہ جس ویلے پیٹر بلیچ نوں ہندوستان
 دے سدر نے معافی دتی سی اوس ویلے کیندر وچ بی جے پی دی
 ہی سرکار سی آتے اس دی سفارش نال ہی پیٹر بلیچ نوں سدر
 نے معافی دتی سی۔ ایہ ہتھیار کانگرس دے راج وچ سٹے گئے سی
 جس سمیں نرسمہاں پردھان منتری سی۔ اوسدے بعد کیندر وچ بی جے
 پی دی سرکار پنج سال رہی۔ اس لئی سی پی آئی (ایم) آتے ہور
 لوک دو چار دن رولا پاؤنگے آتے اس لئی گجھ کرن دی لوڑ
 نہیں ہے۔ پُرولیا دی خبر ہن اوساما بن لادن دے قتل دے شور
 وچ دبّ کے رہ گئی ہے۔

پُریا دا ہتھیار کانڈ وکھاؤندا ہے کہ اپنے سوڑے بتاں آتے
 منسوبیاں نوں پرا کرن لئی ایہ سارے حاکم ٹولے لوکاں خلاف کیویں
 اک مک ہو جاندے ہن آتے کسے وی تران دی کتلوگارت کرن
 توں کوئی گریز نہیں کردے۔ دہشتگردی آتے کتلوگارت حاکم ٹولے
 آتے سامراجی طاقتاں ہمیشہ ہی اپنے بتاں لئی ورتدیاں ہن۔ کسے
 وی جگہ دیکھ لو دہشتگردی آتے کتلوگارت دے پچھے حاکم ٹولے
 آتے انہاں اداریاں دا ہتھ ضرور ہی ہندا ہے۔